

REDENAARS: 2014

Geagte Ouers

Dit is weer die einde van die jaar en ons begin dink aan ons redenaars wat sommer in die eerste week na die skool begin weer in aanvang neem. Graag gee ek solank vir u die temas deur vir 2014 so indien u fluks is kan u reeds begin met die skryf van die stukke.

ONTHOU dit moet 'n beredeneerde stuk wees - nie 'n mooi verhaal of storie nie.

As u die volgende struktuur volg, behoort die stuk geslaagde te wees.

1. **Kies 'n onderwerp** byvoorbeeld, **Sê nou** - dis die tema
dan kan die onderwerp by wees. **Sê nou ek is 'n miljoenêr**
Ek moet **Ja** of **Nee** op die onderwerp kan antwoord. So, die keuse van die onderwerp is belangrik.
2. Die **inleiding** moet baie goed wees - iets wat dadelik die gehoor se aandag sal trek. Pasop vir 'n gediggie of liedjie - dis redenaars - nie drama nie!
Slot: Die slot moet samevatting wees van wat die kind beredeneer het.
3. Spreek die **Voorsitter** aan en kyk vir hom wanneer jy hom aanspreek.
4. **Uitsetting van die inhoud.** Gebruik 'n interessante manier om die standpunte bekend te stel. Moenie die vinger wys en sê punt 1 ensovoorts nie.

Byvoorbeeld

5. Ek wil graag my **standpunte** aan die hand van die volgende punte beredeneer.
Eerstens
Tweedens
Aan die hand van my eerste standpunt wil ek graag die volgende aan u bewys. (Onthou, ek gee maar net idees. U kan dit omskryf nes u wil - hou net by die struktuur.
6. **BRONNE:**
Minstens drie bronne en meer moet gebruik word.
By Grondslagfase is Ouma of Oupa se woord of die Bybel goeie bronne want dit moet op hulle vlak wees.
By Graad 5 - 7 moet die bronne gesaghebbend wees en baie volledig aangedui word, byvoorbeeld, Ek lees in die Beeld van Saterdag, 11 September 2010 dat Ansie Vermeulen in haar artikel skryf Prof Swanepoel van die Universiteit van Pretoria verbonde aan die Stelkunde Departement skryf in sy boek
7. **VOORDRAG:**
Pasop!! Kinders is baie geneig om 'n stuk voor te dra of te dramatiseer - onmiddelik diskwalifiseer hierdie leerder hom- / haarself. Dis redenaars - jy moet 'n toespraak lewer.

8. **KAARTJIES.**

Daar is nie regtig 'n voorgeskrewe reël nie, maar uit ondervinding stel ons voor dat die kaartjies omtrent 10 x 10 cm moet wees en kies 'n kleur soos wit of grys om by die skoolklere in te skakel - dit gee 'n beter vertoning.

Onthou die kaartjies is 'n hulpmiddel. Gebruik dit om iets te motiveer of 'n vraag te vra aan die gehoor. Hou die kaartjies mooi in lgn met jou oë sodat jy nie jou kop hoeft te buig en af te kyk na die kaartjies nie, want dan druk jy jou keel toe en dan kan die gehoor nie hoor wat jy sê nie. Hou die kaartjies in jou regterhand en die ander hand langs jou sy.

9. **OOGKONTAK.**

Kinders moet van die begin af leer om oogkontak met die gehoor te maak. Moet nie net na die beoordelaars kyk nie. Kyk vir die mense in die gehoor en maak oogkontak met hulle.

10. **STEM.**

Dit is baie belangrik. Pasop dat jy sing. Praat mooi duidelik en hard. Onthou jy gesels met die gehoor.

11. Onthou, 'n redenaarstuk moet op die kind se vlak wees. Gebruik ook die kinders se opinies - dis baie belangrik.

12. **TEMAS vir 2014**

GRAAD 1 - 3

Skop
Sirkus
Poeding

GRAAD 4 - 5

Trappe
Braai
Seisoene

GRAAD 6 - 7

Posisie
Kook
Rooi

13. **TYD VAN DIE STOKKE.**

Graad 1 - 4: Nie korter as twee minute en nie langer as 4 minute nie.

Graad 5 - 7: Nie korter as 3 minute en nie langer as 5 minute nie.

14. **ALGEMEEN.**

Die redenaars wat by ons skool se Prestige-aand in Februarie deurdring, sal dan aan die Streeksbyeenkoms deelneem en dié wat dan verkies word gaan Suid-Gauteng toe en daarna is die SA-Kampioenskappe.

Die Redenaar Organiseerder is Me Daleen Kruger (Hoof). Indien u enige hulp verlang is ek altyd beskikbaar om te help waar ek kan. Redenaarstukke vir aanstaande jaar moet reeds in Januarie gereed wees sodra die skole begin. Skool se uitdanne sal aan die begin van Maart plaasvind.

Indien u noual wil begin met die stukke is u welkom. Sodra die skole in Januarie begin sal ek 'n inligtingsaand vir u as ouers aanbied om te help met die voorbereiding van die redenaarstukke veral vir die nuwe leerders wat volgende jaar ook wil probeer.

Redenaarsgroete

ME D KRÜGER (Organiseerder en Afriester)